

四庫全書

史部

欽定四庫全書

資治通鑑卷一百二十九 宋 司馬光 撰

胡三省 音註

宋紀十一

起屠維大淵獻盡
開禧執徐凡六年

世祖孝武皇帝下

大明三年春正月己巳朔兖州兵與魏皮豹子戰於高
平兖州兵不利 己丑以驃騎將軍柳元景為尚書令

驃匹妙翻
騎奇寄翻

右僕射劉遵考為領軍將軍 己酉魏河南

公伊馘卒

馘蒲撥翻卒子恤翻

三月乙卯以揚州六郡為王畿

六郡丹陽淮南宣城吳郡吳興義興也

更以東揚州為揚州徙治會稽

置東

揚州見上卷孝建元年會工外翻

猶以星變故也

星變見上卷孝建三年

三月

庚寅以義興太守垣閭為兗州刺史閭遵之子也

垣閭

苗也武帝西征長安使遵守洛陽城據河濟之會後人謂之垣苗城守式又翻

夏四月乙

巳魏主立其弟子推為京兆王 竟陵王誕知上意思

之亦潛為之備因魏人入寇修城浚隍聚糧治仗

治直之翻

誕記室參軍江智淵知誕有異志請假先還建康

假古訝翻

假休
假也

上以為中書侍郎智淵夷之弟子也

江夷江湛之
父夷之弟曰

僧

少有操行

少詩照翻操七
到翻行下孟翻

沈懷文每稱之曰人所應

有盡有人所應無盡無者其唯江智淵乎是時道路皆

云誕反會吳郡民劉成上書稱息道龍昔事誕

息子

見

誕在石頭城修乘輿灋物習唱警蹕

此蓋言誕為揚州
刺史時誕時一心

奉上必無是事劉成
誣告之也乘繩證翻

道龍憂懼私與伴侶言之誕殺道

龍

考異曰宋畧作
道就今從宋書

又豫章民陳談之上書稱弟詠之

在誕左右見誕書陛下年紀姓諱往巫鄭師鄰家祝詛

祝職叔翻詛莊助翻

詠之密以啓聞誕誣詠之乘酒罵詈殺之

劉道

龍陳談之蓋先皆為誕所殺其父兄希指誣告以報子弟之讐耳詈力智翻

上乃令有司奏

誕罪惡請收付廷尉治罪

治直之翻

乙卯詔貶誕爵為侯遣

之國詔書未下

下遐詠翻

先以羽林禁兵配兗州刺史垣閭

便以之鎮為名與給事中戴明寶襲誕閭至廣陵誕未

悟也明寶夜報誕典籤蔣成使明晨開門為內應成以

告府舍人許宗之

宗之竟陵王府舍人也

宗之入告誕誕驚起呼

左右及素所畜養數百人

畜許六翻

執蔣成勒兵自衛天將

曉明寶與閭帥精兵數百人猝至而門不開誕已列兵

登陴

帥讀曰率
陴頻彌翻

自在門上斬蔣成赦作徒繫囚

作徒坐
徒罪居

作者繫囚逮
捕在獄者

開門擊閭殺之

考異曰宋畧云已亥殺
閭按本紀乙卯貶誕爵今

從之明寶從間道逃還

間古
覓翻

詔内外纂嚴

考畧曰宋畧
乙亥纂嚴按長

歷是月戊戌朔無
乙亥蓋已亥也

以始興公沈慶之為車騎大將軍開

府儀同三司南兖州刺史將兵討誕

騎奇寄翻將
即亮翻下同

甲子

上親總禁兵頓宣武堂司州刺史劉季之誕故將也

誕為

會稽季之為參軍及起
兵討元凶以季之為將

素與都督宗慤有隙

宗慤為豫
州兼督司

州聞誕反恐為慈所害委官間道自歸朝廷至盱眙

昭太守鄭瑗疑季之與誕同謀邀殺之

盱眙音怡

沈慶之

至歐陽

水經注曰吳城邦溝通江淮自永和至廣陵城斷其水上承歐陽引江入埭六十里至廣陵城

余據此地則今之真州開也

誕遣慶之宗人沈道愍齋書說慶之餉

以玉環刀慶之遣道愍反數以罪惡誕焚郭邑驅居民

悉使入城閉門自守

說翰尚翻數所具翻守手又翻

分遣書檄邀結遠

近時山陽內史梁曠家在廣陵誕執其妻子遣使邀曠

曠斬使拒之

使疏吏翻

誕怒滅其家誕奉表投之城外曰陛

下信用讒言遂令無名小人來相掩襲不任枉酷

任音壬

即加誅翦雀鼠偷生仰違詔勅今親勒部曲鎮扞徐兗

先經何福同生皇家

誕於帝同氣也故云然

今有何愆便成胡越

陵鋒蹈戈萬沒豈顧

萬沒猶言萬死也

盪定之期冀在旦夕又

曰陛下宮帷之醜豈可三緘

家語孔子觀周入后稷之廟有金人三緘其口而銘

其背曰古之慎言人也

上大怒凡誕左右腹心同籍暮親在建康

者並誅之

同籍諸同宗屬之籍者暮親謂暮喪之親也

死者以千數或有家

人已死方自城內出奔者慶之至城下誕登樓謂之曰

沈公垂白之年

白髮下垂
故曰垂白

何苦來此慶之曰朝廷以君

狂愚不足勞少壯故耳

少詩
照翻

上慮誕奔魏使慶之斷其

走路

斷音
短

慶之移營白土去城十八里又進軍新亭

此新

亭在廣陵城外非
建康之新亭也

豫州刺史宗慤徐州刺史劉道隆並

帥衆來會

帥請
曰率

兗州刺史沈僧明慶之兄子也亦遣兵

助慶之先是誕誑其衆云宗慤助我慤至繞城躍馬呼

曰我宗慤也

先悉薦翻呼火
故翻誑居況翻

誕見諸軍大集欲棄城北

走留中兵參軍申靈賜守廣陵自將步騎數百人

將即
亮翻

騎奇寄翻親信並自隨聲云出戰邪趨海陵道晉安帝分廣陵立海陵郡

今泰州也誕自廣陵北門聲言出戰戰邪而趨東則海陵之路趨七喻翻慶之遣龍驤將軍

武念追之驤思將翻誕行十餘里衆皆不欲去互請誕還城

誕曰我還易耳卿能為我盡力乎衆皆許諾誕乃復還

易以豎翻為于偽翻復扶又翻築壇歃血以誓衆軟色洽翻凡府州文武皆

加秩府司空竟陵王府州南兖州以主簿劉琨之為中兵參軍琨之

導考之子也劉導考時在朝為尚書右僕射辭曰忠孝不得並琨之老

父在不敢承命誕囚之十餘日終不受乃殺之右衛將

軍垣護之虎賁中郎將殷孝祖等擊魏還至廣陵上並

使受慶之節度

音奔

慶之進營逼廣陵城誕餉慶之食

提挈者百餘人出自北門慶之不聞視悉焚之誕於城

上授函表

投南史作投當從之

請慶之為送慶之曰我受詔討賊

不得為汝送表汝必欲歸死朝廷自應開門遣使吾為

汝護送

誕之為此以帝猜忌欲以間慶之也慶之峻絕之蓋亦自為謀耳為于偽翻

東揚州

刺史顏竣遭母憂送喪還都上恩待猶厚竣時對親舊

有怨言

竣七倫翻

或語及朝廷得失會王僧達得罪

僧達死見上卷

上疑竣譖之將死具陳竣前後怨望誹謗之語上乃使

御史中丞庾徽之劾奏免竣官

鄭樵曰御史之名周官有之蓋掌贊書而授法

今非今任也戰國時秦趙渾池之會各命御史書事又淳于髡謂齊王曰御史在前則皆記事之任至秦漢為

糾察之任

竣愈懼上啓陳謝且請生命上益怒詔答曰卿訕

訐怨憤已孤本望乃復過煩思慮懼不自全

訐居謁翻復扶又翻

下復沉同

豈為下事上誠節之至邪及竟陵王誕反上遂誣

竣與誕通謀五月收竣付廷尉先折其足

折而設翻

然後賜

死妻子徙交州至宮亭湖

宮亭湖即彭蠡湖在彭澤縣西

復沉其男口

沈持林翽頗竣失職怨望固為可罪而自尋陽東下之時保護之功不可忘也既殺其身又沉其男口孝武帝

亦少思哉

六月戊申魏主如陰山 上命沈慶之為三烽

於桑里

桑里在廣陵城西南

若克外城舉一烽克內城舉兩烽擒

劉誕舉三烽璽書督趣前後相繼

璽斯氏翽趣讀曰促

慶之焚其

東門塞斬造攻道立行樓土山并諸攻具

塞悉則翽斬七艷翽為樓

車推進以攻城故曰行樓

值久雨不得攻城上使御史中丞庾徽之

奏免慶之官詔勿問以激之自四月至於秋七月雨止

城猶未拔上怒命太史擇日將自濟江討誕太宰義恭

固諫乃止誕初閉城拒使者

使疏史翔

記室參軍山陰賀弼

固諫誕怒抽刀向之乃止誕遣兵出戰屢敗將佐多踰

城出降

將即亮斷降戶江翻下同

或勸弼宜早出弼曰公舉兵向朝

廷此事既不可從荷公厚恩又義無違背

荷下可翻背蒲妹翻

惟

當以死明心耳乃飲藥自殺參軍何康之謀開門納官

軍不果斬關出降誕為高樓置康之母於其上暴露之

不與食母呼康之數日而死誕以中軍長史濮陽范義

為左司馬

濮博木翻

義母妻子皆在城內或謂義曰事必不

振

言誕必陷敗不能振起也

子其行乎義曰吾人吏也

人吏言為人之佐吏

子

不可以棄母吏不可以叛君必若何康之而活吾弗為

也沈慶之帥衆攻城身先士卒親犯矢石

帥請曰率先悉薦翻

乙

已克其外城乘勝而進又克小城誕聞兵入走趨後園

趙七俞翻

隊主沈胤之等追及之擊傷誕墜水引出斬之誕

母妻皆自殺

誕母文帝殷修華妻徐妃

上聞廣陵平出宣陽門敕左

右皆呼萬歲侍中蔡興宗陪輦上顧曰卿何獨不呼興

宗正色曰陛下今日正應涕泣行誅豈得皆稱萬歲

謂同

氣相殘乃天理人倫之變必若
以義滅親應涕泣而行誅也

上不悅詔貶誕姓留氏

廣陵城中士民無大小悉命殺之沈慶之請自五尺以

下全之其餘男子皆死女子以為軍賞猶殺三千餘口

長水校尉宗越臨決皆先剝腸抉眼

抉於決翻

或笞面鞭腹

苦酒灌創然後斬之

苦酒蓋醢之類也創初良翻

越對之欣欣若有

所得

史言宗越之忍

上聚其首於石頭南岸為京觀

沈慶之蓋悉獻其首

故聚於石頭南岸觀古玩翻

侍中沈懷文諫不聽

史言當時近侍皆正人但諫不行言

不聽耳

初誕自知將敗使黃門呂曇濟與左右素所信者

將世子景粹匿於民間

將攜也景粹舍翻

謂曰事若不濟思相

全脫如其不免可深埋之

謂深埋景粹之尸也

各分以金寶齎送

既出門並散走唯曇濟不去攜負景粹十餘日捕得斬

之臨川內史羊璿坐與誕素善下獄死

璿音旋下

擢梁

曠為後將軍贈劉琨之給事黃門侍郎蔡興宗奉旨慰

勞廣陵興宗與范義素善收斂其尸送喪歸豫章

范義蓋寓

居豫章也蔡興宗之先亦濟陽人勞力到翻斂力膽翻

上謂曰卿何敢故觸王憲

興宗抗言對曰陛下自殺賊臣自葬故交何不可之有

上有慙色

兄弟朋友皆天倫也興宗能不
忘故交而帝忍誅屠同氣故慙

宗越治軍嚴

善為營陳每數萬人止頓越自騎馬行前使軍人隨其

後馬止營合未嘗參差

治直之翻陳讀曰陣參初今翻
差義宜翻又初佳翻參差不齊

也

辛未大赦

廣陵既平
故肆赦

丙子以丹陽尹劉秀之為

尚書右僕射

丙戌以南兗州刺史沈慶之為司空刺

史如故

八月庚戌魏主如雲中壬戌還平城九月

壬辰築上林苑於玄武湖北

文帝元嘉二十二年築北
隄立玄武湖於樂游苑北

初晉人築南郊壇於巳位尚書右丞徐爰以為非禮

詔徙於牛頭山西

牛頭山在今建康府上元縣南四十里兩峯如闕

直宮城之

午位及廢帝即位以舊地為吉復還故處

復扶又翻史終言之

帝

又命尚書左丞荀萬秋造五路依金根車加羽葆蓋

五路

之制與金根車不同加羽葆蓋愈非古矣沈約曰秦關三代之車獨取殷制古曰桑根車秦曰金根車

四年春正月甲子朔魏大赦改元和平

乙亥上耕籍

田大赦

己卯詔祀郊廟初乘玉路

庚寅立皇子子

勛為晉安王

勛古勲字

子房為尋陽王子頊為歷陽王子鸞

為襄陽王

魏散騎侍郎馮闡來聘

散悉賣翻騎奇奇翻

二月

魏衛將軍樂安王良討河西叛胡

以下文叛胡詣長安首罪觀之此河西蓋

謂自龍門東至華陰河之西岸也

三月魏人寇北陰平

陰平道漢屬廣漢屬國都

尉晉武帝泰始中分立陰平郡宋分立南陰平北陰平二郡五代志晉安郡陰平縣宋立北陰平郡宋白曰文州陰平郡戰國時氏羌所據永嘉之後羌虜數叛遂立郡以遏之輿地志云晉永嘉末太守王鑒以郡降李雄晉人於是悉流移於蜀漢其氏羌並屬楊茂搜此郡不復預受正朔故南史諸志悉無所錄其晉人流寓於蜀者仍於益州立南北二陰平寓於漢中者亦於梁州立南北二陰平

朱提太守楊歸子擊

破之

考異曰宋帝紀索虜寇北陰平孔提太守楊歸子擊破之宋畧云索虜寇壯降平朱太守楊歸子

擊破之按郡縣名無壯降平及孔提北陰平參酌二書常為朱提今按魏收地形志武都郡有孔提縣五代

志武都建威縣後周併西魏之孔堤郡及縣入焉此時
魏人蓋冠北陰平之孔堤為北陰平太守楊歸子所破
也當從宋紀朱提郡在南中時屬寧州去陰平甚遠蓋
考異誤以宋紀宋畧二書所載合為朱提也當讀作孔
提屬上句宋畧所謂壯降平亦北陰平三
字之誤朱字於下文無所附著當為衍字 甲申皇后親

桑于西郊皇太后觀禮

夏四月魏太后常氏殂

本保太后

尊為太后見一百二十
七卷文帝元嘉三十年

五月癸丑魏葬昭太后於鳴雞

山

魏土地記曰下洛城東北三十里有延河東流北有
鳴雞山史記趙襄子殺代王於夏屋其姊為代王夫

人襄子迎之至此曰代已亡矣吾將安歸乎遂磨笄於
山而自殺代人憐之為立祠焉因名為磨笄山每夜有
野雞羣鳴於祠屋上故亦謂之鳴雞山杜佑
曰揚州治懷戎縣有鳴雞山本名磨笄山

丙戌尚

書左僕射褚湛之卒吐谷渾王拾寅兩受宋魏爵命

吐從嗽入
聲谷音浴

居止出入擬於王者魏人忿之定陽侯曹安

表言拾寅今保白蘭若分軍出其左右必走保南山不

過十日人畜乏食可一舉而定六月甲午魏遣征西大

將軍陽平王新成等督統萬高平諸軍出南道南郡公

中山李惠等督涼州諸軍出北道以擊吐谷渾魏崔

浩之誅也

見一百二十五卷宋
文帝元嘉二十七年

史官遂廢至是復置

復扶

又翻

河西叛胡詣長安首罪

樂安王良兵威臨之
故首罪首式又翻

魏遣

使者安慰之 秋七月遣使如魏 甲戌開府儀同三

司何尚之卒 壬午魏主如河西 魏軍至西平

西平漢落

都之地禿髮所都樂都即落都也唐為鄯州

吐谷渾王拾寅走保南山九月

魏軍濟河追之會疾疫引還獲雜畜三十餘萬

畜許又翻

庚午魏主還平城 丁亥徙襄陽王子鸞為新安王

冬十月庚寅詔沈慶之討緣江蠻 前廬陵內史周朗

言事切直

見一百二十七卷文帝元嘉三十年

上銜之使有司奏朗居母

喪不如禮傳送寧州

傳知總翻又直總翻

於道殺之朗之行也侍

中蔡興宗方在直請與朗別坐白衣領職

蔡興宗立於猜暴之朝罪

范義別周朗犯時主之怒而不加刑素行有以孚乎人也

十一月魏散騎常侍盧

度世等來聘

散悉賈翻騎奇奇翻

是歲上徵青冀二州刺史顏

師伯為侍中師伯以諂佞被親任

被皮義翻

羣臣莫及多納

貨賄家累千金上嘗與之樗蒲上擲得雉自謂必勝師

伯次擲得盧

樗蒲米名有黑情有雉有盧得盧者勝

上失色師伯遽歛子

曰幾作盧

子五木也此亦師伯為佞之一端幾居希翻

是日師伯一輸百萬

柔然攻高昌殺沮渠安周滅沮渠氏

文帝元嘉十六年魏克涼州沮

渠無諱與弟安周西走保據高昌今為柔然所滅沮子余翻

以闕伯周為高昌王高

昌稱王自此始

五年春正月戊午朔朝賀

朝直遇翻

雪落太宰義恭衣有六

出義恭奏以為瑞上悅義恭以上猜暴懼不自容每卑

辭遜色曲意祇奉由是終上之世得免於禍二月辛

卯魏主如中山丙午至鄴遂如信都三月遣使如魏

使疏吏翻

魏主發并肆州民五千人治河西獵道

魏道武天賜二

年分并州北境為九原鎮太武真君七年置肆州宋白曰十三州志云漢末大亂匈奴侵邊自定襄已西盡雲

中鴈門之間遂空曹公集荒郡之戶聚之九原界以立
新興郡領五原等縣即唐忻州定襄縣之地後魏書云
太平二年置肆州寄理秀容城秀容縣忻
州所治即漢末所置九原縣也治直之翻辛巳還平城

夏四月癸巳更以西陽王子尚為豫章王 庚子詔

經始明堂直作大殿於丙巳之地制如太廟唯十有二

間為異 雍州刺史海陵王休茂年十七雍於用翻司馬新

野庾深之行府事休茂性急欲自專處決處呂翻深之及

主帥每禁之主帥典籤也又齊內亦有主帥謂之齋帥帥所類翻常懷忿恨左右

張伯超有寵多罪惡主帥屢責之伯超懼說休茂曰說輸

主帥密疏官過失欲以啓聞如此恐無好

疏使去翻記也好如

字無好猶令人言無好處言將得罪也

休茂曰為之奈何伯超曰惟有殺

行事及主帥

行事謂庾深之江左率謂長史司馬行府州事者為行事

舉兵自衛此

去都數千里

雍州鎮襄陽去建康水行四千餘里

縱大事不成不失入虜

中為王休茂從之丙午夜休茂與伯超等帥夾轂隊

宋諸

王有夾轂隊蓋左右親兵也出則夾車為衛帥讀曰率下同

殺典籤楊慶於城中出

金城殺深之及典籤戴雙徵集兵衆建牙馳檄使佐吏

上已為車騎大將軍開府儀同三司加黃鉞

凡府州僚屬皆謂之

佐吏上時掌
翻騎奇寄翻

侍讀博士荀詵諫

侍讀博士授諸王
經者也詵疎臻翻

休茂

殺之伯超專任軍政生殺在已休茂左右曹萬期挺身

斫休茂不克而死休茂出城行營

行下孟翻
巡行也

詔議參軍

沈暢之等帥衆閉門拒之休茂馳還不得入義成太守

薛繼考為休茂盡力攻城

為于偽翻義成太守
治襄陽注詳見前

克之斬

暢之及同謀數十人其日參軍尹玄慶復起兵攻休茂

生擒斬之母妻皆自殺

復扶又翻休茂
母文帝蔡美人

同黨伏誅城中

擾亂莫相統攝中兵參軍劉恭之秀之之弟也

劉秀之
孝建元

年不附義宣時
為尚書右僕射

衆共推行府州事繼考以兵脅恭之使

作啓事言繼考立義自乘驛還都上以為北中郎諮議

參軍賜爵冠軍侯

冠古
玩翻

事尋泄伏誅以玄慶為射聲校

尉

校尸
教翻

上自即位以來抑黜諸弟既克廣陵欲更峻其

科沈懷文曰漢明不使其子比光武之子前史以為美

談

見四十五卷漢明
帝永平十五年

陛下既明管蔡之誅願崇唐衛之

寄

周成王既誅管叔因蔡叔封叔虞
於唐封康叔於衛以藩屏周室

及襄陽平太宰義

恭探知上指請裁抑諸王不使任邊州及悉輸器甲禁

絕賓客沈懷文固諫以為不可乃止 上畋遊無度嘗

出夜還敕開門侍中謝莊居守

守手又翻

以祭信或虛

祭音啓傳

也刻木為合符

執不奉旨須墨敕乃開

墨敕手執也

上後因燕飲從

容曰卿欲效郅君章邪

郅憚字君章事見四十三卷漢光武建武十三年從千客翻

對曰臣聞王者祭祀畋遊出入有節今陛下晨往宵歸

宵夜也

臣恐不逞之徒妄生矯詐是以伏須神筆乃敢開

門耳 魏大旱詔州郡境內神無大小悉灑掃致禱

灑所

齊翻掃素報翻又各上聲

俟豐登各以其秩祭之於是羣祀之廢者

皆復其舊

魏罷羣祀凡一百二十四卷文帝元嘉二十七年

秋七月戊寅魏

主立其弟小新成為濟陽王

大明元年魏主立其弟小新成為陽平王此小新成又

陽平王之弟也濟子禮翻

加征東大將軍鎮平原

平原河津之要時魏未得青齊故於

此置鎮

天賜為汝陰王加征南大將軍鎮虎牢

虎牢宋舊鎮為司州

刺史治所魏得之置孫州

萬壽為樂浪王加征北大將軍鎮和龍

和龍

燕舊都魏得之以為鎮後為營州樂浪晉洛琅

洛侯為廣平王

壬午魏主巡

山北八月丁丑還平城

戊子立皇子子仁為永嘉王

子真為始安王

九月甲寅朔日有食之

沈慶之固

讓司空柳元景固讓開府儀同三司詔許之仍命慶之

朝會位次司空俸祿依三司

朝直選翻下同 考異曰
宋畧此事在戊戌按長歷

是月甲寅朔無戊戌元景在從公之上

晉制文官光祿三大夫武
官驃騎車騎衛將軍及諸

大將軍開府者位
從公從從用翻

慶之目不知書家素富產業累萬金

童奴千計再獻錢千萬穀萬斛先有四宅又有園舍在

婁湖

按南史齊武帝永明元年望氣者云新林婁湖東
府西有王氣正月甲子築青溪舊宮作新婁湖苑

以厭之則婁湖常
在新林東府間也

慶之一夕攜子孫及中表親戚徙居

婁湖以四宅輸官慶之多蓄妓妾

妓渠
綺翻

優游無事盡意

歡娛非朝賀不出門車馬率素從者不過三五人

從才用翻

遇之者不知其為三公也

甲戌移南豫州治於湖

沈約

宋志曰晉江左胡寇盛豫部殲覆元帝永昌元年豫州刺史祖約自譙城退屯壽春成帝延和四年僞立豫州庾亮為刺史鎮蕪湖咸康四年毛寶為刺史鎮邾城八年庾懌為刺史又鎮蕪湖穆帝永和元年刺史趙盾鎮牛渚二年刺史謝尚鎮蕪湖四年進屯壽春九年還鎮歷陽十一年進馬頭升平元年刺史謝奕戍譙袁帝隆和元年刺史袁真自譙退守壽春簡文咸安元年刺史桓熙戍歷陽孝武寧康元年刺史桓冲戍姑孰太元十年刺史朱序戍馬頭十二年刺史桓石虔戍歷陽安帝義熙二年刺史劉豫戍姑孰宋武帝欲開拓河南綏定豫上九年割揚州大江以西大雷以北悉屬豫州豫之基址因此而立十三年刺史劉義慶鎮壽陽永初二

年分淮東為南豫州治壽陽淮西為豫州文帝元嘉七年又分五年割揚州之淮南宣城又屬焉徙治姑孰今按自宋元以來分立兩豫豫州治淮西南豫治壽陽孝建之初魯爽以南豫州刺史鎮壽陽居然可知也移南豫州於姑孰寔在大明五年自永初至元嘉七年兩豫必嘗復合而所謂五年割揚州之淮南宣城又屬焉徙治姑孰者蓋指帝之大明五年後人傳寫沈志於文帝元嘉七年又分上下下文皆有漏脫而劉義慶鎮壽陽通鑑在義熙十四年罷南豫州

丁丑以壽陽王子房為南

豫州刺史 閏月戊子皇太子妃何氏卒謚曰獻妃

壬寅更以歷陽王子頊為臨海王

考異曰宋畧作子頊今從宋書

冬十月甲寅以南徐州刺史劉延孫為尚書左僕射右

僕射劉秀之為雍州刺史

雍於用翻

乙卯以新安王子鸞

為南徐州刺史子鸞母殷淑儀寵傾後宮子鸞愛冠諸

子

冠古玩翻

凡為上所眄遇者莫不入子鸞之府

眄彌見翻或作眄

及為南徐州割吳郡以屬之

吳郡自晉氏渡江以來屬揚州最為近畿大郡

初

巴陵王休若為北徐州刺史以山陰張岱為諮議參軍

行府州國事

諸幼王臨州率置行府州事此命岱并巴陵國事行之

後臨海王子

頊為廣州豫章王子尚為揚州晉安王子勛為南兖州

勛古翻

岱歷為三府諮議三王行事與典籤主帥共事

所帥

翻類

事舉而情不相失或謂岱曰主王既幼

江左以來諸王出鎮僚屬

呼為主王諸公府僚呼為主公

執事多門而每能緝和公私緝一作輯云何

致此岱曰古人言一心可以事百君我為政端平待物

以禮悔吝之事無由而及明闇短長更是才用之多少

耳

少詩沼翻

及子鸞為南徐州復以岱為別駕行事

復扶又翻

岱

永之弟也魏員外散騎常侍游明根等來聘明根雅

之從祖弟也

散忌竇翻騎奇寄翻從才用翻

魏廣平王洛侯卒十

二月壬申以領軍將軍劉遵考為尚書右僕射甲戌

制民戶歲輸布四匹 是歲詔士族雜婚者皆補將吏

雜婚謂與工商雜戶為婚也將即亮翻

士族多避役逃亡乃嚴為之制捕

得即斬之往往奔竄湖山為盜賊

水則入湖陸則阻山皆依險而為盜賊

沈懷文諫不聽

六年春正月癸未魏樂浪王萬壽卒

樂浪音洛琅

辛卯上

初祀五帝於明堂大赦 丁未策秀孝於中堂

秀孝秀才孝廉

也揚州秀才顧灋對策曰源清則流潔神聖則刑全

聖當

作王音于況翻刑當作形

躬化易於上風體訓速於草偃

顧法對策之意欲帝

謹厥身於宮帷社席之間則可以化天下易以鼓翻

上覽之惡其諒也

許慎說文曰諒信也

諸儒說經者莫能易此義今此當以諒直為義

參考經典則直自是直諒自是諒惡烏路翻

義投策於

地 二月乙卯復百官祿

文帝元嘉二十七年以軍興減內外百官俸三分之一繼

而國有內難日不暇給今始復百官祿

三月庚寅立皇子子元為邵陵

王 初侍中沈懷文數以直諫忤旨

數所角翻忤五故翻

懷文素

與顏竣周朗善

竣七倫翻

上謂懷文曰竣若知我殺之亦當

不敢如此懷文嘿然侍中王彧言次稱竣朗人才之美

懷文與相酬和

或於六翻和胡卧翻

顏師伯以白上上益不悅上

嘗出射雉

自曹魏以來人主率好自出射雉射而亦翻

風雨驟至懷文與王

或江智淵約相與諫會召入雉場懷文曰風雨如此非

聖躬所宜冒或曰懷文所啓宜從智淵未及言上注弩

作色曰卿欲效顏竣邪何以恒知人事

恒戶登翻

又曰顏竣

小子恨不先鞭其面每上燕集在坐者皆令沉醉

坐徂卧翻

沉持林翻

嘲謔無度

謔廷却翻

懷文素不飲酒又不好戲調

好呼到翻

調田聊翻

上謂故欲異已謝莊嘗戒懷文曰卿每與人異亦

何可久懷文曰吾少來如此

少詩照翻

豈可一朝而變非欲

異物性所得耳上乃出懷文為晉安王子勛征虜長史

子勛帶號征虜將軍以懷文為長史

領廣陵太守

子勛鎮南兖州故懷文以長史領廣陵太守

懷文詣建康朝正

朝正謂赴元正朝會也朝直還翻

事畢遣還

還從宣翻又如

字下

以女病求申期

申重也申期重為之期也

至是猶未發免官禁

錮十年懷文賣宅欲還東

懷文吳興人吳興在建康東

上聞大怒收

付廷尉丁未賜懷文死懷文三子澹淵冲行哭為懷文

請命見者傷之

澹徒覽翻為于偽翻

柳元景欲救懷文言於上曰

沈懷文三子塗炭不可見

見視也言其在塗炭之中不堪著眼也

願陛下

速正其罪

言速正其罪者婉而導之謂若正其罪當不至於死也

上竟殺之夏

四月淑儀殷氏卒

考異曰殷淑儀南郡王義宣女也義宣敗後帝密取之假姓殷氏左右

宣泄者多死或云貴妃是殷琰家人義宣家義宣敗入宮今從宋書

追拜貴妃謚曰宣

上痛悼不已精神為之罔罔

罔罔失志也若有若無也為于偽翻頗廢政

事五月壬寅太宰義恭解領司徒六月辛酉東昌

文穆公劉延孫卒

沈約志廬陵郡有東昌國吳立隋開皇十一年省東昌入泰和縣

庚午魏主如陰山

魏石樓胡賀畧孫反

石樓胡即吐京胡也吐京

有石樓山隋廢吐京郡為石樓縣唐屬隰州

長安鎮將陸真討平之

將即魏亮翻

主命真城長蛇鎮

長蛇鎮在南田縣東南有長蛇水唐隴州吳山縣即其地

氏豪仇

僣檀反

得古沃翻

真討平之卒城而還

卒子恆翻

秋七月壬寅

魏主如河西

乙未立皇子子雲為晉陵王是日卒謚

曰孝

初晉庾冰議使沙門敬王者桓玄復述其議

扶復

又翻

並不果行至是上使有司奏曰儒瀟枝派名墨條分

班志儒家助人君順陰陽明教化游文於六經之中留意於仁義之際祖述堯舜憲章文武宗師仲尼以重其言於道最為高法家信賞必罰以輔禮制名家正名名位不同禮亦異數墨家貴儉兼愛上賢右鬼非命尚同

至於崇親嚴上厥猷靡爽唯淳圖為教反經提傳

釋氏以自

西天竺來者為經中國沙門譯而演其義者為傳提拈撥也傳直戀翻

拘文蔽道在末彌

扇夫佛以謙卑自牧忠虔為道寧有屈膝四輩而簡禮

二親

謂拜四輩而不拜父母也釋氏有所謂戒外四聖佛一也菩薩二也圓覺三也聲聞四也亦謂之四

輩稽顙耆臘而直體萬乘者哉

沙門重戒臘以捨俗為僧之年為始耆老也直

體謂不屈身也稽音啓

臣等參議以為沙門接見比當盡虔

比毗志翻

並也總也禮敬之容依其本俗九月戊寅制沙門致敬人主

及廢帝即位復舊乙未以尚書右僕射劉遵考為左

僕射丹陽尹王僧朗為右僕射僧朗或之父也冬十

月壬寅葬宣貴妃於龍山

九域志江寧府有龍山山形似龍江寧府即建康鑿

岡通道數十里民不堪役死亡甚衆

亡逃也

自江南葬埋

之盛未之有也又為之別立廟

古者宗廟之制妾祔於妾祖姑漢氏以來薄太

后生文帝鉤弋夫人生昭帝皆就園置寢廟未嘗別立廟也史言帝溺於女寵縱情敗禮為于偽翻

魏

員外散騎常侍游明根等來聘辛巳加尚書令柳元

景司空壬寅魏主還平城

自河西還也

南徐州從事史

范陽祖冲之

自漢以來諸州皆有從事史假佐

上言何承天厯疎舛猶

多

何承天撰厯見一百二十四卷文帝元嘉二十一年

更造新厯

更子衡翻

以為舊厯

冬至日有定處未盈百載輒差二度

戡子
亥翻

今令冬至日

度歲歲微差將來久用無煩屢改又子為辰首位在正

北虛為北方列宿之中今歷上元日度發自虛一又日

辰之號甲子為先今歷上元歲在甲子又承天灋日月

五星各自有元今灋交會遲疾悉以上元歲首為始

所謂

今歷今灋皆祖冲之更造者也歷家分上元中元下元

甲子各六十年凡一百八十年而下元甲子終又復於

上元上令善歷者難之不能屈會上晏駕不果施行

難乃

旦翻

七年春正月丁亥以尚書右僕射王僧朗為太常衛將

軍顏師伯為尚書僕射上每因宴集使羣臣自相譏訐

以為樂

謔人以成其過謂之譏發人之陰私謂之訐訐居謁翻樂音洛

吏部郎江智淵

素恬雅漸不會旨

會合也

嘗使智淵以王僧朗戲其子或

智淵正色曰恐不宜有此戲上怒曰江僧安癡人癡人

自相惜僧安智淵之父也智淵伏席流涕

古人畏聞父母名惟君所

無私諱今人雖各有家諱然稠人廣座中往往不敢以為諱吾是以歎隋世以前人士猶為近古也

由是

恩寵大衰

武帝以是怒江智淵何異孫皓之怒韋昭邪

又議殷貴妃謚曰懷

上以為不盡美甚銜之它日與羣臣乘馬至貴妃墓舉

鞭指墓前石柱

石柱墓表也

謂智淵曰此上不容有懷字智

淵益懼竟以憂卒

考異曰宋畧曰帝既以僧安辱智淵自是詆之無度智淵不堪其恥退

而自殺今從宋書

己丑以尚書令柳元景為驃騎大將軍開

府儀同三司

驃騎奇寄翻

二月甲寅上巡南豫南兗二

州丁卯校獵於烏江

烏江縣始見於晉書屬淮南郡不記置立宋屬歷陽郡宋白曰晉太

康六年於東城界置烏江縣校戶教翻

壬戌大赦甲子如瓜步山壬申還

建康

夏四月甲子詔自非臨軍戰陳並不得專殺其

罪應重辟者

陳讀曰陣辟毗亦翻

皆先上須報

光上其罪狀待報乃行刑此漢法也

上時

違犯者以殺人論

五月丙子詔曰自今刺史守

宰動民興軍皆須手詔施行惟邊隅外警及姦豐內發

變起倉猝者不從此例

豐許觀翻

戊辰以左民尚書蔡興

宗

曹魏置左民尚書

左衛將軍袁粲為吏部尚書粲淑之兄子

也

袁淑死於元凶劬之難

上好狎侮羣臣

好呼報翻

自太宰義恭以下

不免穢辱常呼金紫光祿大夫王玄謨為老儻

江南人呼中州

人為儻王玄謨太原人也僕射劉秀之為老慳顏師伯故呼之為老儻儻助庚翻

為齣

鰭魚蹙翻
露齒也

其餘短長肥瘦皆有稱目黃門侍郎宗

靈秀體肥拜起不便每至集會多所賜與欲其瞻謝傾

陪以為歡笑

北 踣
翻 蒲

又寵一崑崙奴

崑崙奴者言其狀似
崑崙國人也崑崙國

在林邑南
崙虛昆翻

令以杖擊羣臣尚書令柳元景以下皆不能

免惟憚蔡興宗方嚴不敢侵牒

列 蝶
翻 和

顏師伯謂儀曹郎

王耽之曰

曹魏置二十三
郎儀曹其一也

蔡尚書常免昵戲去人實遠

肥 尼
質 翻

耽之曰蔡豫章昔在相府亦以方嚴不狎武帝宴

私之日未嘗相召

蔡豫章興宗父廓也嘗為豫章太守
故稱之相府謂武帝相晉時廓為司

徒左長史也
相息亮翻

蔡尚書今日可謂能負荷矣

左傳子產曰
其父析薪其

子不克負荷荷音
下可翻又如字

壬寅魏主如陰山 六月戊辰以

秦郡太守劉德願為豫州刺史德願懷慎之子也上既

葬殷貴妃數與羣臣至其墓

數所
角翻

謂德願曰卿哭貴妃

悲者當厚賞德願應聲慟哭撫膺擗踊涕泗交流

膺音
也擗

毘亦翻以手擊膺也詩注
曰自月曰涕自鼻曰泗

上甚悅故用豫州刺史以賞

之

用下當
有為字

上又令醫術人羊志哭貴妃志亦嗚咽極悲

他日有問志者曰卿那得此副急淚志曰我爾日自哭

亡妄耳

史言上淫荒為下所侮弄

上為人機警勇決學問博洽文章

華敏省讀書奏能七行俱下

省悉景翻行戶剛翻一注日間能了七行文義又

善騎射

騎寄翻

而奢欲無度自晉氏渡江以來宮室草創

朝晏所臨東西二堂而已晉孝武末始作清暑殿宋興

無所增改上始大修宮室土木被錦繡嬖妾幸臣賞賜

傾府藏壞高祖所居陰室

被皮義翻藏祖浪翻壞音怪江左諸帝既崩以其所居殿

為陰室藏諸御服

於其處起玉燭殿與羣臣觀之牀頭有土障

壁上挂葛燈籠麻蠅拂

以葛為燈籠以麻為蠅拂

侍中袁顥因盛稱

高祖儉素之德上不答獨曰田舍公得此已為過矣

周公

無逸之書曰否則侮厥父母曰顓淑之兄子也 秋八

月乙丑立皇子子孟為淮南王子產為臨賀王 丙寅

魏主畋於河西九月辛巳還平城 庚寅以新安王子

鸞兼司徒 丙申立皇子子嗣為東平王 冬十月癸

亥以東海王禕為司空 己巳上校獵姑孰 魏員外

散騎常侍游明根等來聘明根奉使三返上以其長者

禮之有加

明根連三年來聘長知兩翻

十一月癸巳上習水軍於

梁山十二月丙午如歷陽甲寅大赦己未太宰義恭
加尚書令癸亥上還建康

八年春正月丁亥魏主立其弟雲為任城王

任音壬

戊

子以徐州刺史新安王子鸞領司徒夏閏五月壬寅太

宰義恭領太尉上末年尤貪財利刺史二千石罷還

必限使獻奉又以捕戲取之

捕戲擣捕之戲也

要令罄盡乃止

終日酣飲少有醒時

少詩沼翻

常憑几昏睡或外有奏事即

肅然整容無復酒態

復扶又翻

由是內外畏之莫敢弛惰庚

申上殂於玉燭殿

年三十五

遺詔太宰義恭解尚書令加中

書監以驃騎將軍南充州刺史柳元景領尚書令入居

城內

入居臺城之內也建康無外城設六羅門而已百官第宅皆在臺城之外驃匹妙翻騎奇寄翻

事

無巨細悉關二公大事與始興公沈慶之參決若有軍

旅悉委慶之尚書中事委僕射顏師伯外監所統委領

軍將軍王玄謨

舊制外監不隸領軍宜相統攝者自有別詔文帝元嘉十八年以趙伯符為領

軍將軍始統領外監李延壽曰若徵兵動衆大興人役優劇遠近斷於外監之心延壽之言為宋末孽倖專擅

發也是日太子即皇帝位

諱子業少字法師孝武帝長子也

年十六大赦

吏部尚書蔡興宗親奉璽綬

璽斯氏綬音受

太子受之傲情

無戚容興宗出告人曰昔魯昭不戚叔孫知其不終

左傳

魯襄公薨立昭公叔孫穆子曰是人也居喪而不哀在感而有嘉容是謂不度比葬三易衰衰衽如故哀於是

昭公十九年矣猶有童心君子是以知其不終也

家國之禍其在此乎

為明年帝以狂

暴見臧張本

甲子詔復以太宰義恭錄尚書事柳元景加

開府儀同三司領丹陽尹解南兖州

六月丁亥魏主

如陰山

秋七月己亥以晉安王子勛為江州刺史

為明

年子勛起兵張本勅古勲字

柔然處羅可汗卒子予成立號受羅

部真可汗

魏收曰受羅部真魏言惠也
可從刊入聲汗音寒

改元永康部真帥

衆侵魏

帥讀曰率

辛丑魏北鎮遊軍擊破之壬寅魏主如

河西高車五部相聚祭天衆至數萬魏主親往臨視之

高車大喜丙午葬孝武皇帝於景寧陵

景寧陵在丹陽秣陵縣巖

山廟號世祖

庚戌尊皇太后曰太皇太后皇后曰皇

太后乙卯罷南北二馳道

世祖大明五年立南北二馳道自闕闔門至於朱雀

門又自承明門至於玄武湖

及孝建以來所改制度還依元嘉尚書

蔡興宗於都座慨然謂顏師伯曰

此都座謂尚書八座會坐之所猶今之都

也堂先帝雖非盛德之主要以道始終三年無改古典所

貴

論語曰三年無改於父之道可謂孝矣

今殯宮始撤山陵未遠而凡諸

制度興造不論是非皆刊削雖復禪代亦不至爾

扶復

又翻下復非復留同

天下有識當以此窺人師伯不從太宰義恭

素畏戴法興巢尚之等雖受遺輔政而引身避事由是

政歸近習法興等專制朝權

朝直還翻

威行近遠詔敕皆出

其手尚書事無大小咸取決焉義恭與顏師伯但守空

名而已

義恭錄尚書事師伯為僕射而尚書事決於法興等是守空名也

蔡興宗自以

職管銓衡

興宗為吏部尚書

每至上朝

上時掌翻朝直遙翻下同

輒為義恭

陳登賢進士之意

為於偽翻

又箴規得失博論朝政義恭性

恒橈

恒怯也橈屈也恒去王翻橈奴教翻

阿順法興恒慮失旨

恒戶登翻

聞興

宗言輒戰懼無答興宗每奏選事

選須絹翻選事選曹事也

法興尚

之等輒點定回換僅有在者興宗於朝堂謂義恭師伯

曰主上諒陰不親萬幾

陰音闇

而選舉密事多被刪改復

非公筆

被皮義翻復扶又翻下同

亦不知是何天子意數與義恭等

爭選事往復論執義恭法興皆惡之

數所角翻惡烏路翻下同

左遷

興宗新昌太守

吳孫皓建衡三年分交阯立新興郡晉武帝太康三年更名新昌郡屬交州五

代志交州嘉寧縣舊置新昌郡

既而以其人望復留之建康丙辰追

立何妃曰獻皇后

何妃大明五年薨

乙丑新安王子鸞解領

司徒戴法興等惡王玄謨剛嚴八月丁卯以玄謨為南

徐州刺史王太后疾篤使呼廢帝帝曰病人間多鬼

那可往太后怒謂侍者取刀來割我腹那得生如此寧馨兒

寧相傳讀從去聲劉禹錫詩從平聲

己丑太后殂九月辛丑魏主還平

城自河西還也

癸卯以尚書左僕射劉遵考為特進右光

祿大夫 乙卯葬文穆皇后于景寧陵

王后從孝武帝謚當作武穆

冬十二月壬辰以王畿諸郡為揚州

大明三年以丹陽等六郡為王

畿以揚州為東揚州

以會稽為揚州亦見三年

癸巳以豫章王子尚

為司徒揚州刺史是歲青州移治東陽

青州移治歷城見上卷孝建三

年宋之境內凡有州二十二郡二百七十四縣千二百

九十九戶九十四萬有奇

此大較以沈約宋志為據沈約作志大較以是年為正然

是年止二十一州耳沈志所謂二十二州以明帝泰始七年分交廣置越州足之而此時又已省司州蓋止二十一州也揚州領丹陽吳興淮南宣城義興五郡東揚州領會稽東陽臨海永嘉新安五郡南徐州領南東海

南琅邪晉陵吳南蘭陵南東莞淮陵臨淮南彭城南清
河南高平南平昌南濟陰南濮陽南泰山濟陽南魯郡
十七郡徐州領彭城沛下邳蘭陵東海東莞東安琅邪
陽平濟陰北濟陰十二郡南兗州領廣陵海陵山陽盱
眙泰郡南沛鍾離北沛臨江九郡兗州領泰山高平魯
東平陽平濟北六郡南豫州領歷陽南蕪廬江南汝陰
南梁晉熙弋陽安豐南汝南南新蔡東郡南潁南潁川
西汝陰南汝陽南陳留南陳左郡邊城左郡光城左郡
十九郡豫州領汝南新蔡譙梁陳南潁潁川汝陰汝陽
陳留馬頭十一郡江州領尋陽豫章鄱陽臨川廬陵安
成南康南新蔡建安晉安十郡青州領齊濟南樂安高
密平昌北海東萊太原長廣九郡冀州領廣川平原清
河樂陵魏河間頓丘高陽勃海九郡司州領義陽隨陽
安陸南汝南四郡荊州領南郡南平宜都巴東汶陽南
義陽新興南河東建平長寧武寧十一郡郢州領江夏
竟陵隨武陵天門巴陵武昌西陽八郡湘州領長沙衡

陽桂陽零陵營陽湘東邵陵始興臨慶始安十郡雍州
領襄陽南陽新野順陽京兆始平扶風南上洛河南廣
平義成馮翊天水建昌華山北河南弘農十七郡梁州
領漢中魏興新興新城上庸晉壽華陽新巴北巴西北
陰平南陰平巴渠懷安宗熙白水南上洛北上洛安康
南宕渠懷安二十郡秦州領武都略陽安固西京北南
太原南安馮翊隴西始平金城安定天水西扶風北扶
風十四郡益州領蜀郡廣漢巴西梓潼巴郡遂寧江陽
懷寧寧蜀越雋汶山南陰平犍為始康晉熙晉原永寧
安固南漢中北陰平武都新城南新巴南晉壽宋興南
宕渠天水東江陽沱黎二十九郡寧州領建寧晉寧牂
柯平蠻夜郎朱提南廣建都西平西河陽東河陽興寧
興古梁水十五郡廣州領南海蒼梧晉康新寧永平鬱
林桂林高涼新會東官義安宋康綏康海昌宋熙寧浦
晉興樂昌臨郭十九郡交州領交趾武平新昌九真九
德日南合浦義昌宋平九郡合二百六十八蓋以新立

百梁隴蕪永寧安昌富昌南流六郡足為二百七十四
其間荒外有郡而無縣有縣而無戶口有戶數而無口
數亦不能詳
也奇居宜翻
東方諸郡連歲旱饑
東方諸郡謂三吳及浙江東五郡

米一升錢數百建康亦至百餘錢餓死什六七

資治通鑑卷一百二十九

欽定四庫全書

資治通鑑卷一百三十

宋 司馬光 撰

胡三省 音註

宋紀十二

旃蒙大荒落一年

太宗明皇帝上之上

諱彧字休景小字榮期文帝第十一子也

泰始元年春正月乙未朔廢帝改元永光大赦

是歲八月殺江

夏王義恭柳元景顏師伯改元景和既弒廢帝改元泰始一年凡三改元

丙申魏大赦

二月丁丑魏主如樓煩宮

樓煩縣漢屬雁門郡魏晉棄之荒外魏收地形志雁門郡

原平縣有樓煩城賢曰樓煩故城在今代州崞縣東北余按唐書憲州古樓煩地也

自孝建以

來民間盜鑄濫錢

事始一百二十八卷考武帝孝建二年

商貨不行庚寅

更鑄二銖錢

衡工衡翻

形式轉細官錢每出民間即模效之

而更薄小無輪郭不磨鑣謂之耒子

鑣良倨翻錯也耒盧對翻杜佑通典

耒子作

三月乙巳魏主還平城

夏五月癸卯魏高

祖殂

年二十六諡曰文成皇帝

初魏世祖經營四方國頗虛耗重以

內難

重直用翻難乃旦翻內難謂宗愛既弒世祖又弒南安王余

朝野楚楚

楚楚酸痛之貌

朝直送翻

高宗嗣之與時消息

消息衰減也息生長也

靜以鎮之懷集中

外民心復安

復扶又翻

甲辰太子弘即皇帝位

弘文成帝之長子也蕭子

顯曰弘字萬民

大赦尊皇后曰皇太后顯祖

魏獻文帝廟號顯祖

時年十

二侍中車騎大將軍乙渾專權

寄奇翻

矯詔殺尚書楊保

年平陽公賈愛仁南陽公張天度于禁中侍中司徒平

原王陸麗治疾於代郡溫泉

魏土地記曰代城北九十里

水去桑乾城十里有溫湯療疾有驗治直之翻

乙渾使司衛監穆多侯召之

魏官

有司衛監典宿衛

多侯謂麗曰渾有無君之心今宮車晏駕王

德望素重

魏高宗之立麗有功焉而

又忠篤故德望重於一時姦臣所忌宜少淹

留以觀之朝廷安靜然後入未晚也

少詩
照翻

麗曰安有聞

君父之喪慮患而不赴者乎即馳赴平城乙渾所為多

不瀆麗數爭之

數所
角翻

戊申渾又殺麗及穆多侯多侯壽

之弟也

穆壽事魏世
祖封宜都王

己酉魏以渾為太尉錄尚書事東

安王劉尼為司徒尚書左僕射代人和其奴為司空殿

中尚書順陽公郁謀誅乙渾渾殺之

主少國疑姦臣擅
命屠戮忠賢魏之

不亡者
幸也

壬子魏以淮南王它為鎮西大將軍儀同三

司鎮涼州魏開酒禁

魏設酒禁見一百二十
八卷孝武孝建三年

壬午加

柳元景南豫州刺史加顏師伯丹陽尹 秋七月癸巳

魏以太尉乙渾為丞相位居諸王上事無大小皆決於

渾 廢帝幼而狎暴

狎吉
揀翻

及即位始猶難太后大臣及

戴法興等未敢自恣太后既殂

去年太
后殂

帝年漸長

長知
兩翻

欲有所為灋興輒抑制之謂帝曰官所為如此欲作營

陽邪

營陽王事見一百二十卷文帝元嘉元年
廢帝固狂暴戴法興此言亦足以取死

帝稍不

能平所幸閹人華願兒賜與無算

華戶
化翻

灋興常加裁減

願兒恨之帝使願兒於外察聽風謠願兒言於帝曰道

路皆言宮中有二天子。廕興真天子，官為贗天子。

贗天子晏翻

考異曰：宋書作「應天子」，宋畧作「鴈天子」，按字書「贗」偽物也。韓愈詩曰：「居然見真贗書。」或作「鴈」，今從宋畧。且

官居深宮，與人物不接。廕興與太宰顏柳共為一體。

義恭

錄尚書事：柳元景為尚書令，顏師伯為僕射，而事皆法興專決，故云然。往來門客恒有數

百

恒戶登翻

內外士庶莫不畏服。廕興是孝武左右，久在宮

闈，令與它人作一家，深恐此坐席非復官有。

坐徂卧翻復扶又翻

又

如帝遂發詔免廕興

免者免其所居官也

遣還田里，仍徙遠郡。

八月辛酉，賜廕興死，解巢尚之舍人。

巢尚之自孝武時為中書通事舍人

員外散騎侍郎東海奚顯度

散悉亶翻
騎奇寄翻

亦有寵於世祖

常典作役課督苛虐捶扑慘毒

捶止榮翻扑
普卜翻擊也

人皆苦之

帝嘗戲曰顯度為百姓患比當除之

比毗
寐翻

左右因唱諾

即宣旨殺之尚書右僕射領衛尉卿丹陽尹顏師伯居

權日久

孝武大明四年徵顏師伯於歷
城自侍中遷尚書僕射居權要

驕奢淫恣為衣

冠所疾帝欲親朝政

朝直
遙翻

庚午以師伯為尚書左僕射

解卿尹

解衛尉卿
及丹陽尹

以吏部尚書王彧為右僕射分其權

任師伯始懼

或於
六翻

初世祖多猜忌王公大臣重足屏息

屏必罪翻

莫敢妄相過從

過古禾翻

世祖殂太宰義恭等皆

相賀曰今日始免橫死矣

橫戶孟翻

甫過山陵義恭與柳元

景顏師伯等聲樂酣飲不捨晝夜

酣戶甘翻

帝內不能平既

殺戴法興諸大臣無不震懼

懼之涉翻

各不自安於是元景

師伯密謀廢帝立義恭日夜聚謀而持疑不能決元景

以其謀告沈慶之慶之與義恭素不厚又師伯常專斷

朝事不與慶之參懷

斷丁亂翻

朝直遙翻下同孝武遺詔令慶之參決大事見上卷上年

謂令史曰

尚書令史也

沈公爪牙耳安得預政事慶之恨之

乃發其事癸酉帝自帥羽林兵討義恭殺之并其四子

斷絕義恭支體分裂腸胃挑取眼睛以蜜漬之謂之鬼

目粽

宋人以蜜漬物曰粽盧循以益智粽遺文帝即蜜漬益智也帥讀曰率斷丁管翻睛七真翻眼珠子

漬疾智翻

粽子宋翻別遣使者稱詔召柳元景以兵隨之

使疏吏翻下同

左右奔告兵刃非常

非常言異於常時也

元景知禍至入辭其母

整朝服乘車應召弟車騎司馬叔仁戎服帥左右壯士

欲拒命元景苦禁之既出巷軍士大至元景下車受戮

容色恬然并其八子六弟及諸姪獲顏師伯於道殺之

并其六子又殺廷尉劉德願改元景和文武進位二等

遣使誅湘州刺史江夏世子伯禽

義恭命其世子曰伯禽是以周公自處矣

自是公卿以下皆被捶曳如奴隸矣

卑賤之人有所附屬謂之隸人之下

者謂之奴被皮義翻捶止藥翻

初帝在東宮多過失世祖欲廢之而立

新安王子鸞侍中袁顗盛稱太子好學有日新之美世

祖乃止帝由是德之既誅羣公欲引進顗任以朝政遷

為吏部尚書

顗魚豈翻好呼到翻為袁顗寵袁求出張本

與尚書左丞徐爰

皆以誅義恭等功賜爵縣子徐爰便辟善事人頗涉書

傳

便皮連翻
傳直戀翻

自元嘉初入侍左右豫參顧問既長於附

會又飾以典文故為太祖所任遇大明之世委寄尤重

時殿省舊人多見誅逐唯爰巧於將迎始終無迂廢帝

待之益厚

迂五故
翻迎也

羣臣莫及帝每出常與沈慶之及山

陰公主同輦爰亦預焉

徐爰得志於大明景和之間宜
也而啓寵實在於元嘉便僻之

足以惑人雖明君不能免也漢宣
用恭顯而遺禍於元帝事正如此

山陰公主帝姊也適

駙馬都尉何戢戢偃之子也

何偃尚之之
子戢疾立翻

公主尤淫恣

嘗謂帝曰妾與陛下男女雖殊俱託體先帝陛下六宮

萬數而妾唯駙馬一人事太不均帝乃為公主置面首

左右三十人

面取其貌美首取其髮美

進爵會稽郡長公主秩同郡

王

長知兩翻

吏部郎褚淵貌美公主就帝請以自侍帝許之

淵侍公主十餘日備見逼迫以死自誓乃得免淵湛之

之子也

褚湛之進用於元嘉孝建之間

帝令太廟別畫祖考之像

畫讀曰畫

帝入廟指高祖像曰渠大英雄生擒數天子

謂擒桓玄慕容超姚

泓也大

指太祖像曰渠亦不惡但末年不免兒斫去頭

謂為元凶

指世祖像曰渠大黠鼻如何不黠立召畫工

劬所弑也

令黠之

黠壯加翻鼻上貌也柳宗元詩曰嗜酒鼻成黠

以建安王休仁為雍

州刺史

雍於用翻

湘東王彧為南豫州刺史皆留不遣甲

戌以司徒揚州刺史豫章王子尚領尚書令以始興公

沈慶之為侍中太尉慶之固辭徵青冀二州刺史王玄

謨為領軍將軍魏葬文成皇帝于金陵廟號高宗

九月癸巳帝如湖熟

湖熟漢湖熟侯國屬丹楊郡晉宋為縣淳化中廢為鎮屬上元縣

戊戌還建康新安王子鸞寵於世祖

事見上卷大明五年

帝疾之

辛丑遣使賜子鸞死又殺其母弟南海王子師及其母

妹發殷貴妃墓

殷貴妃蓋生子鸞子師及一女母弟母妹謂同母弟妹也

又欲掘景

寧陵太師以為不利於帝乃止初金紫光祿大夫謝莊

為殷貴妃誄

誄魯水翻誄丈夫者述其功德誄婦人者述其容德也

曰贊軌堯門

帝以莊比貴妃於鈎弋夫人

鈎弋事見二十二年漢武帝大始三年

欲殺

之或說帝曰死者人之所同一往之苦不足為困莊生

長富貴

說輸芮翻長知兩翻謝莊弘微之子謝萬之玄孫諸謝自晉以來貴盛故云然

今繫之

尚方使知天下苦劇

劇甚也言莊享天下之所甚樂而未知天下之所甚苦今繫因則使

知然後殺之未晚也帝從之徐州刺史義陽王昶素

為世祖所惡

昶丑兩翻昶文帝子世祖之諸弟也惡烏路翻

民間每訛言昶當

反是歲訛言尤甚廢帝常謂左右曰我即大位以來遂

未嘗戒嚴使人邑邑

邑邑不得志也

昶使典籤蘧法生奉表詣

建康求入朝

蘧姓也春秋時衛有大夫蘧伯玉蘧其於翻朝直遙翻

帝謂蘧生曰

義陽與太宰謀反我正欲討之今知求還甚善又屢詰

問蘧生

詰去吉翻

義陽謀反何故不啓蘧生懼逃還彭城帝

因此用兵已酉下詔討昶内外戒嚴帝自將兵渡江

將即

亮翻命沈慶之統諸軍前驅法生至彭城昶即聚兵反移

檄統內諸郡

沈約宋志以大明八年為正徐州統彭城沛郡下邳蘭陵東海東莞東安琅邪淮陽

陽平濟陰北濟陰鍾離馬頭等郡

皆不受命斬昶使將佐文武悉懷異

心昶知事不成棄母妻攜愛妾夜與數十騎開北門奔

魏

使疏吏翻將即亮翻騎奇寄翻

昶頗涉學能屬文

屬之欲翻

魏人重之使

尚公主拜侍中征南將軍駙馬都尉賜爵丹陽王

為後魏挾

劉昶以伐齊張本

吏部尚書袁顥始為帝所寵任俄而失指

待遇頓衰使有司糾奏其罪白衣領職顥懼詭辭求出

甲寅以顥督雍梁諸軍事雍州刺史

雍於用翻

顥舅蔡興宗

謂之曰襄陽星惡何可往

興宗蓋以天道言之

顓曰白办交前不

救流矢

言白办交于前則流矢之來不暇救禍近而急故圖出外以求賒死後患非所計也

今者

之行唯願生出虎口耳且天道遼遠何必皆驗是時臨

海王子頊為都督荆湘等八州諸軍事荆州刺史朝廷

以興宗為子頊長史南郡太守行府州事興宗辭不行

顓說興宗曰

說輸芮翻

朝廷形勢人所共見在內大臣朝不

保夕舅今出居陝西為八州行事

蕭子顓曰江左大鎮莫過荆揚弘農郡陝

縣周世二伯主諸侯周公主陝東呂公主陝西故稱荊州為陝西

顓在襄沔地勝兵彊

去江陵咫尺水陸流通

襄陽至江陵水則由漢沔陸則由長林當陽沔沔宛翻若

朝廷有事可以共立桓文之功豈比受制凶狂臨不測

之禍乎今得間不去

間隙也謂得可行之隙而興宗不肯去間古覓翻

後復求

出豈可得邪

又復扶翻

興宗曰吾素門平進

蔡興宗蔡廓之子蔡謨之玄孫

以方嚴自處官以序遷謂之平進可也謂之素門可乎蓋江左以王謝為高門其餘有才望者或以姻戚擢用或以舊恩興宗此言蓋亦感切其甥指其在世祖之世調護昏狂階此以見寵任寵衰則求出以避禍進退皆無所據也與主上甚踈未容有患宮省内外人不自保會應

有變若內難得弭外豐未必可量

難乃旦翻豐許覲翻量音良

汝欲

在外求全我欲居中免禍各行其志不亦善乎

蔡興宗可謂先

見顓於是狼狽上路

狼狽者倉皇而行如恐不及之意上時掌翻

猶慮見追

行至尋陽喜曰今始免矣鄧琬為晉安王子勛鎮軍長

史尋陽內史行江州事

子勛以鎮軍將軍為江州刺史鎮尋陽鄧琬為長史行事顓

與之欸狎過常每清閒必盡日窮夜顓與琬人地本殊

袁顓有清望又名門也鄧琬性貪鄙又寒族也故云人地本殊

見者知其有異志矣顓為

琬起兵奉子勛張本尋復以蔡興宗為吏部尚書

復扶又翻

戊午解

嚴帝因自白下濟江至瓜步

晉宋都建康新亭白下皆江津要地新亭在西白下

在東白下蓋今之龍灣也按白下城合白石壘唐武德中移江寧縣於此名白下縣

沈慶之復

啓聽民私鑄錢

慶之始議見一百二十八卷孝武帝孝建二年

由是錢貨亂敗

千錢長不盈三寸大小稱此謂之鵝眼錢

稱尺證翻

劣於此

者謂之綆環錢

綆與線同私箭翻

貫之以縷入水不沈

沈持隨林翻

手破碎市井不復料數

料音聊料量也料數者料具多少之數也

十萬錢不

盈一掬

鄭玄曰兩手曰掬

斗米一萬商貨不行

冬十月丙寅

帝還建康帝舅東陽太守王藻尚世祖女臨川長公

主公主妬譖藻於帝已卯藻下獄死

王太后晉丞相導之玄孫女藻后弟

也下戶稼翻

會稽太守孔靈符所至有政績以忤犯近臣近

臣譖之帝遣使鞭殺靈符并誅其二子

會工外翻忤立故翻使疏吏翻

寧朔將軍何邁瑀之子也

何瑀見一百二十八卷孝武孝建二年

尚帝姑

新蔡長公主

主文帝第十女也名英媚長知兩翻

帝納主於後宮謂之謝

貴嬪詐言公主薨殺宮婢送邁第殯葬行喪禮庚辰拜

貴嬪為夫人

嬪毗賓翻

加鸞輅龍旂出警入蹕邁素豪俠多

養死士

俠戶類翻

謀因帝出遊廢之立晉安王子勛事泄十

一月壬辰帝自將兵誅邁初沈慶之既發顏柳之謀遂

自昵於帝數盡言規諫

將即亮翻昵尼質翻數所角翻

帝浸不悅慶之

懼杜門不接賓客嘗遣左右范羨至吏部尚書蔡興宗

所興宗使羨謂慶之曰公閉門絕客以避悠悠請託者

耳如興宗非有求於公者也何為見拒慶之使羨邀興

宗興宗往見慶之因說之曰主上比者所行人倫道盡

言內亂也說輸芮翻比毗至翻

率德改行無可復望

行下孟翻復扶又翻下不復同今

所忌憚唯在於公百姓喁喁

喁魚容翻喁魚口向上也以喻百姓仰望如羣魚然

所瞻賴者亦在公一人而已

瞻仰視也賴倚恃也公威名素著天

下所服令舉朝遑遑

遑遑急也
朝直遙翻

人懷危怖

怖普
布翻

指麾之

日誰不響應如猶豫不斷

斷丁
亂翻

欲坐觀成敗豈惟旦夕

及禍四海重責將有所歸

言慶之自昵於廢帝令忤帝
意不惟行且及禍若他人舉

事必謂慶之從君於
昏慶之何所逃其責

僕蒙眷異常故敢盡言願公詳思

其計慶之曰僕誠知今日憂危不復自保但盡忠奉國

始終以之當委任天命耳

言委之於天
任命所至

加老退私門兵

力頻闕

頻讀曰鈍
又讀如字

雖欲為之事亦無成興宗曰當今懷

謀思奮者非欲邀功賞富貴止求脫朝夕之死耳殿中

將帥唯聽外間消息

將即亮翻帥所類翻

若一人唱首則俯仰可

定況公統戎累朝

慶之自元嘉以來統兵歷事三世朝直遙翻

舊日部曲布

在宮省受恩者多

謂宗越等

沈攸之輩皆公家子弟耳

沈攸之者

慶之從父兄子也

何患不從且公門徒義附並三吳勇士殿中

將軍陸攸之公之鄉人

陸攸之蓋亦吳興人

今入東討賊大有鎧

仗在青溪未發公取其器仗以配衣麾下

鎧可亥翻衣於既翻

使

陸攸之帥以前驅

帥讀曰率下同

僕在尚書中自當帥百僚案

前代故事更簡賢明以奉社稷天下之事立定矣又朝

廷諸所施為民間傳言公悉豫之公今不決當有先公

起事者公亦不免附從之禍

此興宗所謂重責將有所歸也先悉薦翻

聞車

駕屢幸貴第

貴第謂時貴之宅第也

酣醉淹留又聞屏左右

屏必郢翻

獨入閣內此萬世一時不可失也慶之曰感君至言然

此大事非僕所能行事至固當抱忠以沒耳

事至猶言若事果至

如興宗所言當抱忠以死也

青州刺史沈文秀慶之弟子也將之鎮

帥部曲出屯白下亦說慶之曰

說輸芮翻

主上狂暴如此禍

亂不久而一門受其寵任萬物皆謂與之同心

盈天地之間者

萬物人亦物也
此萬物謂人

且若人愛憎無常猜恐特甚

若人謂廢帝

不

測之禍進退難免今因此衆力圖之易於反掌

易以機

會難值不可失也再三言之至於流涕慶之終不從文

秀遂行

沈慶之從君於昏狂杜門以待死伊霍之事固非常人所能行也

及帝誅何邁

量慶之必當入諫

量音良度也

先閉青溪諸橋以絕之慶之

聞之果往不得進而還

還從宣翻又如字

帝乃使慶之從父兄

子直閭將軍攸之賜慶之藥慶之不肯飲攸之以被擒

殺之

攸之隨慶之討隨王誕有功慶之抑翻其賞由是恨之故果於殺從才用翻

時年八十慶

之子侍中文叔欲亡恐如太宰義恭被支解

被皮翻

謂其

弟中書郎支季曰我能死爾能報

中書郎即中書侍郎左傳楚平王信費無

極之譖執伍奢無極曰奢之子材若在吳必憂楚國盍以免其父召之彼仁必來不然將為患王使召之曰來吾免而父棠君尚謂其弟員曰爾遠吳我將歸死吾智不若我能死爾能報伍尚至楚并奢殺之員奔吳藉兵以報楚入郢遂飲慶之之藥而死弟秘書郎昭明亦自鞭平王之墓

經死

杜佑通典曰後漢馬融為秘書郎詣東觀校書晉掌中外三閣經書校閱脫誤亦謂之郎中武帝

分秘圖書籍為甲乙丙丁四部使秘書郎中四人各掌其一宋齊尤為美職皆為甲族起家之選居職例十日便遷齊梁末多以貴遊子弟為之無其才實

文季揮刀馳馬而去追者不敢

逼遂得免

為後沈文季盡誅沈攸之親屬以報仇張本

帝詐言慶之病薨贈

侍中太尉謚曰忠武公葬禮甚厚領軍將軍王玄謨數

流涕諫帝以刑殺過差

數所角翻

帝大怒玄謨宿將有威名

王玄謨自元嘉末為將孝建初有破賊質平義宣之功將即亮翻

道路訛言玄謨已見

誅蔡興宗嘗為東陽太守玄謨典籤包灋榮家在東陽

玄謨使灋榮至興宗所興宗謂灋榮曰領軍殊當憂懼

灋榮曰領軍比日殆不復食夜亦不眠

比日近日也比此寐翻復扶又

翻恒言收已在門不保俄頃

收謂帝將遣吏兵收之也恒戶登翻

興宗曰

領軍憂懼當為方略那得坐待禍至因使麴縡勸玄謨

舉事玄謨使麴縡榮謝曰此亦未易可行

易以鼓翻

期當不泄

君言右衛將軍劉道隆為帝所寵任專典禁兵興宗嘗

與之俱從帝夜出

從才用翻

道隆過興宗車後興宗曰劉君

比日思一間寫

間寫者謂欲清間寫其所懷也

道隆解其意

解戶買翻曉也

搢

興宗手

搢告治翻以瓜搢之也

曰蔡公勿多言

廢昏立明非常之謀也蔡興宗建非

常之謀既以告沈慶之又以告王玄謨又以擿發劉道隆而人不敢泄其言何也昏暴之朝人不自保時日害喪予及汝皆亡蓋人心之所同然也

壬寅立皇后路氏太皇太后弟道

慶之女也 帝畏忌諸父恐其在外為患皆聚之建康

拘於殿內毆捶陵曳無復人理

親親悌長人之常理廢帝悖之毆烏口翻捶止

崇翻復扶又翻又如字

湘東王或建安王休仁山陽王休佑皆肥

壯帝為竹籠盛而稱之

或於六翻盛時征翻下同稱勅陵翻稱其輕重也

以或

尤肥謂之猪王謂休仁為殺王休祐為賊王以三王年

長尤惡之

長知兩翻惡烏路翻

常錄以自隨不離左右

錄收也攝也離力智

翻東海王緯性凡劣

劣弱也鄙也緯吁韋翻

謂之驢王桂陽王休

範巴陵王休若年尚少故並得從容

少詩照翻從于容翻

嘗以木

槽盛飯并雜食攪之

攪古巧翻

掘地為坑實以泥水裸或內

坑中使以口就槽食之用為歡笑

裸即果翻

前後欲殺三王

以十數休仁多智數每以談笑佞諛說之故得推遷

推移

也遷轉也言以談笑佞諛轉移帝意也或曰推遷延緩之意說讀曰悅

少府劉矇妾孕臨

月

矇謨遂翻將產之月曰臨月

考異曰宋書帝紀作

少府劉勝始安王休仁傳作廷尉劉矇宋畧及南史

帝紀皆作少府劉矇休仁傳

帝迎入後宮俟其生男欲

立為太子或嘗忤旨帝裸之縛其手足貫之以杖使人

擔付太官

忤五故翻裸郎果翻擔都甘翻荷也

曰今日屠猪休仁笑曰猪

未應死帝問其故休仁曰待皇子生殺猪取其肝肺帝

怒乃解曰且付廷尉一宿釋之丁未矇妄生子名曰皇

子為之大赦

偽翻

賜為父後者爵一級帝又以太祖世

祖在兄弟數皆第三

太祖高祖第三子世祖太祖第三子

江州刺史晉安

王子勛亦第三

子勛世祖第三子

故惡之

惡鳥路翻

因何邁之謀使

左右朱景雲送藥賜子勛死景雲至湓口停不進子勛

典籤謝道遇主帥潘欣之侍書褚靈嗣聞之

諸王有侍讀掌授王

經有侍書掌教王書帥所類翻

馳以告長史鄧琬泣涕請計

考異曰子勛傳云

景雲遣信使告琬宋略曰帝使道遇賣琬曰身南土寒
救至潯陽琬謂道遇云云今從琬傳

士鄧琬南昌人起於寒素蒙先帝殊恩以愛子見託豈得惜門戶

百口期當以死報効幼主昏暴社稷危殆雖曰天子事

猶獨夫

猶若也似也

今便指帥文武直造京邑

帥讀曰率造七到翻

與

羣公卿士廢昏立明耳戊申琬稱子勛教令所部戒嚴

子勛戎服出聽事集僚佐使潘欣之口宣旨諭之四座

未對錄事叅軍陶亮首請效死前驅衆皆奉旨乃以亮

為諮議叅軍領中兵摠統軍士功曹張沈為諮議叅軍

統作舟艦

沈持林翻
艦戶點翻

南陽太守沈懷寶岷山太守薛常

寶

岷山即漢武帝所開汶山郡也宣帝地節三年併入
蜀郡劉蜀復立沈懷寶薛常寶先常為郡守因各以

其官稱之
守手又翻

彭澤令陳紹宗等並為將帥

將即亮翻
帥所類翻

初帝

使荊州錄送前軍長史荊州行事張悅至湓口琬稱子

勛命釋其桎梏

桎職日翻
梏工沃翻

迎以所乘車以為司馬悅暢

之弟也

張暢見一百二十五卷六卷
文帝元嘉二十六年七年

琬悅二人共掌內

外衆事遣將軍俞伯奇帥五百人斷大雷

帥讀日率
斷丁管翻

禁

絕商旅及公私使命遣使上諸郡民丁

遣使詣江州部
內諸郡籍民丁

上之以為兵使疏
吏翻上時掌翻

收斂器械旬日之內得甲士五千人

出頓大雷於兩岸築壘又以巴東建平二郡太守孫冲

之為諮議叅軍領中兵與陶亮並統前軍移檄遠近

戊午帝召諸妃主列於前彊左右使辱之

彊其兩翻

南平王

鑠妃江氏不從

妃即江湛之妹鑠式灼翻

帝怒殺妃三子南平王敬

猷廬陵王敬先安南侯敬淵鞭江妃一百先是民間訛

言湘中出天子

先悉薦翻

帝將南巡荆湘二州以厭之

厭一涉翻

師古曰明旦欲先誅湘東王或然後發初帝既殺諸公
塞當也

恐羣下謀已以直閣將軍宗越譚金童太一沈攸之等

有勇力引為爪牙賞賜美人金帛充物其家

江左以直閣將軍出

入省閣總領宿衛物滿也

越等久在殿省衆所畏服皆為帝盡力

為干

偽

帝恃之益無所顧憚恣為不道中外騷然左右宿衛

之士皆有異志而畏越等不敢發時三王久幽不知所

為湘東王或主衣會稽阮佃夫內監始興王道隆

江左之制

天子及諸王皆有內監內監齋監也齋內自主帥以下皆得監察之會工外翻佃音田

學官令臨

淮李道兒

晉制諸王國置學官令一人

與直閣將軍柳光世及帝左

右琅邪淳于文祖等謀弑帝帝以立后故假諸王閹人

閹於廉劄

或左右錢藍生亦在中密使候帝動止先是帝遊

華林園竹林堂

先悉薦翻竹林堂華林園後堂也

使宮人保相逐

保郎果翻

一人不從命斬之夜夢在竹林堂有女子罵曰帝悖虐

不道

悖蒲妹翻

明年不及熟矣帝於宮中求得一人似所夢

者斬之又夢所殺者罵曰我已訴上帝矣

通鑑不語怪而獨書此事

者以明人不可妄殺而天聰明為不可欺也

於是巫覡言竹林堂有鬼是日

晡時帝出華林園建安王休仁山陽王休祐會稽公主

並從

現刑狄翻晡奔謨翻從才用翻

湘東王或獨在秘書省

秘書省藏圖書之所

在禁中

不被召益憂懼

被皮義翻

帝素惡主衣吳興壽寂之見

輒切齒

惡鳥路翻風俗通壽姓吳王壽夢之後又有大夫壽越

阮佃夫以其謀告

寂之及外監典事東陽朱幼

李延壽思偉傳論曰若徵兵動衆大興人徒擾劇遠

近斷於內監之心謹辱詆訶恣於典事之口抑符緩詔姦偽非一書死為生請謁成市左臂揮金右手刊字紙

為銅落華為利染

細鎧主南彭城姜產之

晉氏渡江立南彭城郡於晉陵界鎧可亥

翻考異曰產或作彥宋書宋畧南史皆作產今從之

細鎧將晉陵王敬則

吳分吳郡

無錫以西為毘陵郡晉東海王越世子名毗而東海國故食毘陵懷帝永嘉五年改為晉陵郡將即亮翻中

書舍人戴明寶寂之等聞之皆響應幼豫約勒内外使

錢藍生密報休仁休祐時帝欲南巡腹心宗越等並聽

出外裝束唯隊主樊僧整防華林閣防守華林閣門也柳光世

與僧整鄉人因密邀之僧整即受命柳氏本河東人僑居襄陽樊僧整蓋

亦河東人也凡同謀十餘人阮佃夫慮力少不濟更欲招合

少詩壽寂之曰謀廣或泄不煩多人其夕帝悉屏侍衛

屏必與羣巫及綵女數百人綵女倣後漢采女之制射鬼於竹林

堂射而亦翻事畢將奏樂壽寂之抽刀前入姜產之次

之淳于文祖等皆隨其後休仁聞行聲甚急謂休祐曰

事作矣相隨奔景陽山

文帝元嘉二十三年起景陽山於華林園

帝見寂之

至引弓射之不中綵女皆迸走帝亦走大呼寂寂者三

中竹仲翻迸北

孟翻呼火故翻

寂之追而弑之

年十

宣令宿衛曰湘東

王受太皇太后令除狂主今已平定殿省惶惑未知所

為休仁就祕書省見湘東王即稱臣引升西堂登御座

召見諸大臣

見賢通翻

于時事起倉猝王失履跣至西堂猶

著烏帽

著陟畧翻

坐定休仁呼主衣以白帽代之

江南天子宴居著白

紗帽令備羽儀雖未即位凡事悉稱令書施行宣太皇太

后令數廢帝罪惡

數所具翻

命湘東王纂承皇極及明宗越

等始入湘東王撫接甚厚廢帝母弟司徒揚州刺史豫

章王子尚頑悖有兄風

悖蒲內翻又蒲沒翻下同

己未湘東王以太

皇太后令賜子尚及會稽公主死

會工外翻

建安王休仁等

始得出居外舍

外舍外第也

釋謝莊之囚

謝莊以誅殷貴妃被囚事見上

廢

帝猶橫尸太醫閤口蔡興宗謂尚書右僕射王彧曰此

雖凶悖要是天下之主宜使喪禮粗足若直如此四海

必將乘人

言乘此以奉辭伐罪王或湘東王妃兄也故蔡興宗與之言粗坐五翻

乃葬之

秣陵縣南

葬於秣陵縣南郊壇西

初湘東王母沈婕妤早卒

婕妤音接

子卒子恤翻

路太后養之王事太后甚謹太后愛王亦篤王

既弑廢帝欲慰太后心下令以太后弟子休之為黃門

侍郎茂之為中書侍郎論功行賞壽寂之等十四人皆

封縣侯縣子十二月庚申朔以東海王禕為中書監太

尉

禕於湘東王兄也禕吁韋翻

進鎮軍將軍江州刺史晉安王子勛

為車騎將軍開府儀同三司

騎奇寄翻

癸亥以建安王休仁

為司徒尚書令揚州刺史以山陽王休祐為荊州刺史

桂陽王休範為南徐州刺史 乙丑徙安陸王子綏為

江夏王 丙寅湘東王即皇帝位大赦改元

至此始改元奉始

其廢帝時昏制謬封並加刊削庚午以右衛將軍劉道

隆為中護軍道隆暱於廢帝常無禮於建安太妃

此廢帝使

左右辱妃主時事暱尼質翻

至是建安王休仁求解職明帝乃賜道

隆死

書明帝者因前史成文

宗越譚金童太一等雖為上所撫接

內不自安上亦不欲使居中從容謂之曰

從于容翻

卿等遭

罹暴朝

朝直遙翻

勤勞日久應得自養之地兵馬大郡隨卿

等所擇越等素已自疑聞之皆相顧失色因謀作亂以

告沈攸之攸之以聞上收越等下獄死攸之復入直閣

沈攸之繼此有平尋陽之功遂總戎北討歷居方面之任下戶嫁翻復扶又翻

辛未徙臨賀

王子產為南平王晉熙王子輿為廬陵王壬申以尚

書右僕射王景文為尚書僕射景文即或也避上名以

字行

乙亥追尊沈太妃曰宣太后

即上母沈婕妤也

陵曰崇

寧初豫州刺史山陽王休祐入朝以長史南梁郡太

守殷琰行府州事

晉孝武太元中僑立南梁郡於淮南安帝義熙中土斷始有淮南故地屬

南豫州五代志淮南郡壽春縣舊有南梁郡朝直遙翻

及休祜徙荊州即以琰為

督豫司二州諸軍事豫州刺史

為殷琰舉州以附尋陽張本

有司

奏路太后宜即前號移居外宮上不許戊寅尊路太后

為崇憲皇太后居崇憲宮供奉禮儀不異舊日立妃王

氏為皇后后景文之妹也罷二銖錢禁鵝眼縱環錢

二銖鵝眼縱環並見卷首縱與線同

餘皆通用

江州佐吏得上所下令

書皆喜共造鄧琬曰暴亂既除殿下又開黃閣

造七到翻時加

子勛開府儀同三司故云開黃閣

實為公私大慶琬以晉安王子勛次

第居三又以尋陽起事與世祖同符

世祖於兄弟次第三以尋陽起兵事

見一百二十七卷文帝元嘉三十年

謂事必有成取令書投地曰殿下當

開端門

天子開端門宮門正南門曰端門

黃閣是吾徒事耳衆皆駭愕

琬更與陶亮等繕治器甲徵兵四方

治直之翻

袁顗既至襄

陽即與諮議參軍劉胡繕修兵械簡集士卒詐稱被太

皇太后令使其起兵

顗魚豈翻被皮義翻

即建牙馳檄奉表勸子

勛即大位辛巳更以山陽王休祐為江州刺史

欲以代子勛更

工衛

荊州刺史臨海王子項即留本任

休祐不之荊州留子項本任以

安先是廢帝以邵陵王子元為湘州刺史

先悉薦翻

中兵參

軍沈仲玉為道路行事

未至州使為道路行事沿途之事一以委之

至鵲頭

聞尋陽兵起不敢進琬遣數百人却迎之令子勛建牙

於桑尾

桑尾即桑落洲尾

傳檄建康稱孤志遵前典黜幽陟明

子勛自稱曰孤黜幽陟明即廢昏立明

又謂上矯立明茂

明茂謂明德茂親謂上矯太皇

太后令賜豫章王子尚死也

篡竊大寶干我昭穆

禮父為昭子為寡穆昭時招翻

我兄弟藐孤同氣猶有十三

左傳晉獻公曰以是藐諸孤藐猶小也孝武帝二十

八子時存者子勛子綏子房子瑱子仁子真子元子興
子孟子嗣子趨子期子凡十三人藐妙小翻又亡角

翻聖靈何辜而當乏饗聖靈謂世祖之靈也也乏饗不祀也 郢州刺史安

陸王子綏承子勛初檄欲攻廢帝言初檄者以別今此傳建康之檄聞

廢帝已隕即解甲下標初起兵立標以募兵罷兵故下標既而聞江雍


猶治兵江謂鄧琬雍謂袁顗郢府行事苟卞之大懼郢州

居江雍之間懼其夾攻以問罷兵之由即遣諮議領中兵參軍鄭景玄帥

衆馳下并送軍糧帥讀日率荊州行事孔道存奉刺史臨海

王子瑱會稽將佐奉太守尋陽王子房皆舉兵以應子

勛會工外翻
將即亮翻



資治通鑑卷一百三十